



In dumënia ai 01 de Aurí él gnü sughé la secunda partida dl ritorno dl campionat 2011/2012 de 3° categoria por La Val. La partida é gnüda sugada fora de ciasa cuntra la scuadra da Neustift, che á batü i prüms da Aicha l'ultima partida.

Por La Val ne ora sceco nia ester te campionat. Ince cuntra Neustift mëss La Val jí a ciasa cun les mans ötes, purdon 3 a 0. Insciö sâral bimbo rî che La Val pois ciamò se sughé fora i prüms dui posc dl campionat. Mo la speranza resta, deache tl calcio ne san mai. La Copa Provinzia sará insciö le obietif prinzipal.

Sön le campo da Vahrn á metü man La Val la partida nia mal, ai é stè bugn ti prüms menúc da costruì en perd de beles aziuns. Mo ala concluiun te porta é ma ruvé en iad Ivan y dopo Stefan cun dui tiri fora dal area, che le portier á parè zënza dificulté.

Fora de nia röia spo en lancio de en defensur dl Neustift sön i pisc dl atacant, che röia da sú cuntra porta. Le portier da La Val Merch vëgn fora cun na "uscita" e se scontrëi cuntra l'atacant. L'arbiter zënza ponsè dô fischiëa le rigore. Insciö se porta Neustift sön le 1 a 0. Püch dedô ti garetel al medemo atacant en "eurogol". Bunamënter urôl fá ite en cross sön le palo lunch, mo la pala röia bel avisa tl incocio dla porta y dô avëi atuchè le palo röia le pal te porta, en beliscimo gol dl Neustift.

Sön chësta mazada é La Val che röia fora dla partida y ne é nia plü bugn da sughé en bel calcio. Le prüm tëmp se stlusc jä sön le 2 a 0 por Neustift.

Tl secundo tëmp é Neustift che se stlusc tröp ia dedô, mo ai é trës prigorusc sön i contropiedi. Bel avisa inscio ti garetel spo le gol che stlusc jä la partida. Sön en contropiede röia en sogadú dlungia le palo ite fejel spo le gol.

Ala fin dl secundo tëmp é ciamó Frenes Daniel che vägn espulso sön soma de amoniziuns.

La partida se stlusc jä sön le 3 a 0.

Cun chisc trëi punć lascia sön trú toma La Val zoruch al 7. post.

La formaziun titolara: Vallazza Merch, Castlunger Marco, Alton Alex, Tavella Jordan, Vallazza Paolo, Frenes Daniel, Sottara Stefan, Tschaffert Ivan, Rubatscher Romeo, Frenes Micky y Rubatscher Florian.

□

Sostituziuns:

Elzenbaumer Alex por Rubatscher Florian

Miribung Adrian por Tschaffert Ivan